

π ϵ ⁴
292




B.K.



B.H. 363,7

220

II e
292



Lob vnd
preis der
löblichen Kunst
Musica:

Durch
H. Johan Walter.

Wittemberg.
1538.

BIBLIOTHECA
PONICKAVIANA

UNIVERSITÄTS-
BIBLIOTHEK
HALLS
(SALE)
HEX



17

[Faint, illegible text, likely bleed-through from the reverse side of the page. The text is arranged in several lines and is difficult to decipher due to fading and the texture of the paper.]

[Faint, illegible text at the bottom of the page, possibly a library stamp or a signature.]



Zornhede auff alle
gute Gesang=
bücher:

D: M: L:

Fraw Musica.

Für allen freuden auff erden
Kan niemand keine feiner werden/
Denn die ich geb mit mein singen
Und mit manchem süßen klingen /
Sie kan nicht sein ein böser mut
Wo da singen gesellen gut /
Sie bleibt kein zorn / zank / hass / noch neid
Weichen mus alles herzeleid /

A ij Geik

Geitz/ sorg vnd was sonst hart an leit
Fert hin mit aller traurigkeit/
Nuch ist ein jeder des wol frey
Das solche freud kein sünde sey/
Sondern auch Gott viel das gefelt
Denn alle freud der ganken welt/
Dem Teuffel sie sein werck zerstört
Vnd verhindert viel böser mörd/
Das zeugt David des Königs that
Der dem Saul oft gewehret hat/
Mit gutem süßem harffenspiel
Das er nicht inn grossen mord fiel/
Zum Göttlichen Wort vnd warheit
Macht sie das hertz still vnd bereit /
Solchs hat Eliseus bekant
Da er den geist durchs harffen fand/
Die beste zeit im jar ist mein
Da singen alle Vögelein/
Himmel vnd erden ist der vol
Viel gut gesang da lautet wol/

Voran

Voran die liebe Nachtigal
Macht alles frölich vberal/
Mit irem lieblichem gesang
Des mus sie haben immer danck/
Vielmehr der liebe **HEXRE** Gott
Der sie also geschaffen hat/
Zu sein die rechte Sengerin
Der Musicen ein Meisterin /
Dem singt vnd springt sie tag vnd nacht
Seines lobs sie nichts müde macht/
Den ehrt vnd lobt auch mein gesang
Vnd sagt im ein ewigen danck.
A iii Gott



Gott grüsse euch ihr herren all
Wie ich nach wird euch nennen sal /
Dieweil man ist ein freude heile
Zu ehr der Musica gestelt /
So hab ich solcher schönen kunst
Aus sonderlicher lieb vnd gunst /
Zu ihrem lob / rhum / ehr vnd preis
Ein kurtze red nach schlechter weis /
Alhie zu thun bey mir bedacht
Zu wolgefalln hab ichs geacht /
Ein Erbarh Radt inn dieser Stad
Do man Gott lob die Music hat.

Derweil sich jederman befließt
Die kunst zu welcher er geweist /
Zu loben sehr / mit rhum geschrey
Erzelt / wo sie herkommen sey /
So wil ich auch zu dieser farth
Von Music kunst souiel ich glart /
Ihr ehr vnd sterck / was nutz sie schafft
Bermelden / wo ihr grund behafft /
Nach dem der ewig gütig Gott
Den ersten mensch geschaffen hat /
Mit seinem weib / sie beid gesetzt
Im gartens lust / vnd im zuletzt /
Mit ernst gepoten vnd gesagt
Das ist mein will / vnd mir behagt /
Von allerley beum im garten
Soltu essen vnd dich warten /
Allein vom baum dadurch man kent
Das böß vnd gut so dich verblent /
Soltu nicht essen / sag ich dir
Dann wo du wirst nicht folgen mir /

End

Vnd welches tags du dauon isst
So bald gewis des todes bist /
Auff solch gebot do kam die schlang
Mit list sie zu dem weib eindrang /
Mit süßen worten sie betrog
Das sie die frucht vom baum abzog /
Vnd ass / vnd gab auch irem man
Ihr augen wurden auffgethan /
Erkanten das sie nacket wahrn
Die sünd in solchs thet offinbarn /
Erst sahen sie wie sie hetten
Gottes gebot vbertretten /
Fulden das sie mussten sterben
Ewiglich im Tod verderben /
Aller gaben warn sie entblöst
In der sie sich zuuor getröst /
Do jamert Gott jr grosses leid
Gedacht an sein barmherzigkeit /
Sagt in zu er wolt in geben
Durchs weibes sam ewig leben /

Das

Das sie vnd auch jr gantz geschlecht
Inn solchem samen würden gerecht /
Domit sie widerumb vom Tod
Aus Teuffels gewalt vnd grosser not /
Errettet vnd gemachet frey
Vnd dienten Gott im geist doben /
Auff das nu Gottes gnad vnd gunst
Die er dem menschen gar vmb sunst /
Versprochen / inn sein Wort aus lieb
Inn stetem frischem gdechnis blieb /
Dadurch das hertz mit lust erregt
Zu Gottes lob vnd preis bewegt /
Solch grossen schatz danckbar wer
Dis ist die höchste ursach schwer /
Worumb Gott hat gegeben schnel
Die Music kunst / des lobs ein quel /
Zum andern / weil der mensch auff erd
Viel leid vnd jamers haben werd /
Welchs im die sund nhu angeerbt
Darzu die gantz natur verterbt /

B

Auff



Auff das des armenleibes krafft
Nicht gar verzeret würd sein safft/
Vnd etwas hett/ dadurch er sich
Erquicken möcht/doch wunderbarlich/
So hat Gott bald bey Adams zeit
Die Musica zur lust vnd freidt/
Dem Jubal künstlich offinbart
Der hat der geiger, pfeiffer art/
Erfunden/vnd sein sön gelert
Dadurch die kunst sich weit gemert/
Zwo ursach hab ich ikt genant
Worumb die Music Gott gesand/
Hieraus wird jeder mercken wol
Wie man die Music brauchen sol/
Auffs erst/zu Gottes lob vnd ehr
Darnach dem leib zu nutz vnd lehr/
Dieweil dann diese kunst vorwar
Allein von Gott gegeben dar/
So hat sie ja gar hoch vnd weit
Für andern rhum vnd adelheit/

Ste



Sie ist mit der Theologi
Zugleich von Gott gegeben hie/
Gott hat die Music fein bedeckt
In der Theologi versteckt/
Er hat sie beid im fried geschmückt
Das kein der andern ehr verrückt /
Sie sind inn freundschaft nahe verwandt
Das sie fur schwestern wern erkandt /
Wo Gottes wort das hertz erkünd
Dofelbs die Music bald sich find /
Die Music ist ein himlisch kunst
Sie offenbart des geistes brunst /
Kein kunst auff erd wird jr vergleicht
Aus Gottes Reich sie nimmer weicht /
Die heilige schrifft sie hoch erhebt
Drumb billich sie inn ehren schwebt /
Man hat im alten Testament
Auff solche kunst gros fleis gewent /
Biel König vnd Propheten hoch
Die sind der kunst ein zeugnis noch /

B ij Vnd

te

Vnd ist verwar ein wunder gros
Wie diese kunst on alle mas /
Hat heimlich krafft vnd sterck ben jr
Auff das man solchs mag gleuben mir /
So wil ich ettlich stück berürn
Vnd aus der schrift beweissung führen /
Do Gott sein volck durchs rote Meer
Gefurt / vnd Pharaos sein heer /
Erseufft / do durch sein volck erlost
Do sungen sie inn freud getrost /
Vnd lobten Gott mit ein gesang
Jung vnd alt für freuden sprang /
Mit Music thon inn dicker wolck
Gab Gott die zehn gebot sein volck /
Ziel nicht die maur zu Hiericho
Durch schall der Music kunst aldo
Vom Gideon man also list
Ein wunder solchs zu hören ist /
Der Music schall hat do verwirrt
Das Midianitisch heer geirrt /

Das

Das sie nicht kanden ir gesindt
Sich selbs ermordten also blindt/
Do Saul vom bösen geist geplagt
Nach Music kunst als bald man fragt/
Der David must zum König bald
Mit seiner harffen kunst gewalt/
So offte des Davids harffen klang
So weich des bösen geistes zwang/
Elisa der gros thewer Prophet
Als er einsmals weissagung thet/
Hort er zuvor der Music zu
Aus welcher er empfieng ein ruhe/
Vnd als der laut am besten was
Balt Gottes geist sein hertz besass/
Solchs ist fast inn der schriefft gemein
Das die Propheten oberein/
Die Music offte gebrauchet han
Das lob man ir drum billich gan/
Do David leklich König ward
Erst brauchet er recht der Music zart/

B ij Als

Als er die gülden lad einfhurt
Ich mein die Music ward gerurt/
Mit singen/klingen/harffenspiel
Mit psaltern/paucken/Ziembeln viel/
Posaunen vnd drommeten gut
Vnd alles was zur Music thut/
Das must aldo mit grossem schalln
Dem lieben Gott zu wolgefaln/
Vnd seinem lobe werden gebraucht
Solchs David als zu wenig daucht/
Er selbs für freuden sprang vnd tankt
Obs gleich sein weib zum spotte schankt/
Er hat viel Senger selbs bestellt
Darauff gewand ein groses geld/
Die heilige schriefft solchs klar anzeigt
Drumb dieser kunst Gott sehr geneigt/
Ist nicht der ganze Psalter gar
Voll Gottes lob vnd Music zwar/
Wie oft braucht David solche wort
Lobt Gott/lob singt/an allem ort/

Wach

Wach auff mein harff vnd psalter schön
Lob meinen Gott durch süß gedön/
Der psalter ist ein starcker rüch
Der Music kunst inn allem stück /
Die Music ist des psalters mund
Sie stehn gar fest inn einem bundt /
Sie gehn bey sam inn ein gewicht
Darumb sie seint zuscheiden nicht /
Wenn David ikund leben solt
Weil Gottes zusag ist erfüllt //
Er würd die Music hocher ehren
Kein gelt nicht sparn die kunst zu mehrn //
David solt ein exempel sein
Der Herrn vnd Fursten liecht vnd schein //
Das sie zu dieser heiligen kunst
Ihr leblang hetten lieb vnd gunst /
Dieselb auch lernten ane schew
Solchs würd sie warlich nicht gerew //
Dann welcher mensch die Music liebt
Gewis sie dem viel tugent gibt /

Der

Der gröste rhytm vorzeiten was
 Bey grossen herrn vnd Fursten das /
 Das sie der Music löblichkeit
 Von irem solt hatten bereit /
 Do was die kunst bey in geehrt
 Zyt aber hat sichs gar verkert /
 Der Jesus Syrach also spricht
 Das Musica vnd jr geticht /
 Zirt hubsch die freude vnd den wein
 Wie edelstein im golde sein /
 Solch zeugnis hat die Bibel viel
 Wer inn der schrift nur suchen wil /
 Im neuen Testament wird auch
 Die kunst gelobt mit irem brauch /
 Do Jesus Christus ward geboren
 Zum heil / ons die wir warn verlorn /
 Als bald das himlisch heer mit pracht
 Ein grosse meng der englisch macht /
 Bein hirten auch inn lusten drob
 Fur freuden singen Gott zu lob /

Ehre

Ehre sey got im höchsten thron
Vnd fried auff erd sey jederman/
Den menschen werd solch heil bekandt
Vnd nemens an mit danck zuhandt/
Wann jnn der schriefft kein ort nicht wer
Do man die Music lobet sehr/
So wer dis zeugnis gnugsam grundt
Der schönen kunst / zu aller stundt /
Die Music braucht Gott stet also
Beim heiligen Euangelio/
Solchs zeuget der Aposteln schriefft
Den rechten brauch der kunst sie trifft/
Sanct Pauel spricht / die Christen sollen
Wann sie sich selbst vermanen wöln /
Psalm vnd geistlich lieder singen
Solchs auch sol von hertzen dringen/
Das hertz vnd mund sol Gott den Herrn
Durch lobgesang stet preissen lern/
Ist nicht die Music ikt noch stet
Bey Gottes wort vnd sein gebet /

¶

Das

Das höchst opffer das Gott gefelt
Ist preis vnd lob die schriefft vermelt /
Wenn ich all zeugnis solt erzelen
Must ich viel lenger zeit erweln /
Wie dieser kunst inn aller sprach
Mit fleis man hat getrachtet nach /
Niemand hat man gelert geacht
Der diese kunst zuleren nicht tracht /
All künst auff erden haben nicht
Soleh grund vnd lob thu ich bericht /
Die Music freud dem menschen bringt
All traurigkeit vom herzen dringt /
Sie erweckt das herz zur andacht
Das oft im geist fur freuden lacht /
Sie macht das herz zu Gott geschickt
Das sichs an Gottes wort verstrickt /
Sie gibt dem menschen starcken mut
Ben allem vihe sie wunder thut /
Sie macht die pferd des muts so voll
Das sie sich steln sam werens toll /

Ele

Sie weidit die Schefflein sanfft vnd wol

Sie macht die arbeit leicht vnd hol /

Das zornig hercz mit gwalt sie zwingt

Gar süs sie für den ohren klingt /

Solch tugent hat sie one zal

Sie ist ein arzt inn leid vnd qual /

Des Himels vogel gros vnd klein

Die können erst die Music rein /

Sie singen so gar süffiglich

Wer in zuhört / mus wundern sich /

Ir helfslein rürn sie eigentlich

Inn Music kunst ganz emsiglich /

Alles was lebt / hat Gott begabt

Mit dieser kunst jr hercz gelabt /

Welchs mensch die Music nicht bewegt

Ist gar ein stock / der sich nicht regt /

Vnd erger dann die wilden thier

Weis in nicht zuuergleichen schier /

So jemand diese kunst vernicht

Von wegen das / wie oft geschicht /

¶ ¶ ¶

Ir viel derselben brauchen böß
Dem wil ich bald sein red aufflös/
Thut nicht die Welt mit allem so
Braucht Gottes werck zu anderswo/
Dans Gott gepeut / vnd wolgefelt
Sich stek gar vngehorsam stelt/
Wird nicht das Göttlich wort so theur
So böß gebraucht / vnd vngeheur/
Viel felschlich sich damit schmucken
Ihr schalckheit sein drunder tücken /
Drumb hat die Music gar kein schuld
Obs jemand bößlich brauchen wolt/
Wer nu der schönen kunst ist gram
Der ist inn sein vorstand ganz lam /
Wer Gottes wort viel höret gern
Der wirt der Music hoch begern/
Gott hat den hals / mund / vnd die zung
Mit einem blasbalg ist die lung/
Vorgebens nicht also gemache
Zu seinem lob hat ers erdacht /

Der

Der Music vñ sich scheinen thun
Des haben sie gar keinen rhum/
Wer diese kunst sie nicht wil hab
Der ist nicht würdig einer gab /
Wolan / auff das ich nu beschlies
Durch lang geschwek nicht mach verdries /
So ist die kunst inn ganzer sum
Heilig / Göttlich / löblich vñ frum /
Die Music mit Gott ewig bleibt
Die andern kunst sie all vertreibt /
Im Himmel nach dem Jüngsten tag /
Wird sie erst gehn inn rechter wag /
Izt hat man hülßen nür darvon
Dort wird der kern recht auffgethan /
Im himel gar man nicht bedarff
Der kunst Grammatic Logic scharff /
Geometrij / Astronomien
Kein medicin / juristery /
Philosophen / Rethorica
Allein die schöne Musica /


Et sij

Do

Do werdens all Cantores sein
Gebrauchen dieser kunst allein/
Sie werden all mit rhum vnd preis
Gott loben hoch mit ganzem fleis/
Vnd dancken seiner grossen gnad
Die er durch Christ erzeiget hat/
Sie singen all ein lieblein new/
Von Gottes lieb vnd hocher threw/
Solchs singen ewig nicht vorgeht
Wie inn Apocalipsi steht/
Gott helff vns allen auch dohin
Das wir bey Gott inn einem sin/
Vnd allen auserwelten gleich
Singen mit freud inn Gottes reich/
Lob /ehr/weisheit/vnd grosser danck
Preis/vnd krafft sey von anfang/
Zimmer vnd ewiglich gethan
Drumb last vns auch nu heben an/
Vnd Gott den herren mit grossem schall/
Vnd seinen namen loben all/

Amen

Amen Amen das warheit sey
Dorzu vns Gott sein gnad verley.



Gedruckt zu Wittenberg
durch Georgen
Kham.

akte 299

Gelehrte der
Gelehrte der

299

Gelehrte der
Gelehrte der
Gelehrte der



Pon 110" 292, QK


ULB Halle

3

003 017 079







und
der

hen Kunst
sica:

Durch
an Walter.

temberg.
538.



LIOTHECA
CKAVIANA

II e
292

UNIVERSITÄTS-
BIBLIOTHEK
HALLS
(SALZ)

